

Broj: 01-02/2-265 ^{0/25}
Sarajevo, 12.12.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđin Mirza Čelik, zastupnik

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primijeno: 18-12-2025			
Org. jed.	Broj	Priloga	Vrijednost
05/1	- 02 -	654	/25

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-654/25 od 03.11.2025. godine i akt sekretara Vlade Federacije BiH br. 03-04-1825-24/2025 od 07.11.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je poslaničko pitanje, koje je, na 25. redovnoj sjednici Predstavničkog doma Parlamenta Federacije BiH, održanoj 28.10.2025. godine, postavio Mirza Čelik, zastupnik u Predstavničkom domu Parlamenta Federacije Bosne i Hercegovine, koje glasi: "Da li je u decembru 2024. broj zaposlenih bio 551.452 dok je u septembru 2025. 546.782 uposlenika, što znači da je manjak u odnosu na decembar 4670, a molim također da nam se dostavi i za januar, februar, mart, april, maj, juni, juli i august kako bi mogli građanima prezentirati stvarno stanje broja zaposlenih?"

Postupajući po Vašem zastupničkom pitanju koje se odnosi na poređenje broja zaposlenih u decembru 2024. i septembru 2025. godine, uz napomenu da su svi podaci u vezi sa navedenim dostavljeni u Informaciji Vlade Federacije BiH kao materijal za tematsku sjednicu održanu 21. novembra 2025. godine, Federalno ministarstvo rada i socijalne politike daje sljedeće pojašnjenje, zasnovano na podacima Porezne uprave FBiH.

Prema zvaničnim podacima, kako ste i naveli u svom pitanju, u decembru 2024. godine evidentirano je 551.452 zaposlenih, dok je u septembru 2025. godine evidentirano 546.782 zaposlenih. Navedena razlika proizlazi iz poređenja mjeseci koji se po strukturi zaposlenosti i sezonalnim kretanjima bitno razlikuju.

Decembar je mjesec u kojem se tradicionalno bilježi najviši nivo zaposlenosti u toku godine, dok se u periodu od januara do ljeta bilježi sezonsko smanjenje broja zaposlenih, uslovljeno istekom ugovora na određeno vrijeme i završetkom sezonskih aktivnosti. Takav obrazac prisutan je i u prethodnim godinama.

Zbog toga, poređenje decembarskog maksimuma sa septembrom ne predstavlja metodološki osnovu za zaključak o padu zaposlenosti. S tim u vezi, relevantnije je posmatranje trenda unutar godine.

Podaci za 2025. godinu pokazuju da je nakon sezonskog minimuma u augustu došlo do ponovnog rasta broja zaposlenih. U periodu januar–oktobar 2025. godine zabilježen je neto rast od 528 zaposlenih, a u oktobru 2025. godine evidentiran je kontinuirani oporavak zaposlenosti u odnosu na prethodne mjesece, što ukazuje na stabilizaciju tržišta rada.

Istovremeno, 2025. godina predstavlja godinu primjene značajnih zakonskih i fiskalnih reformi koje su imale direktan uticaj na restrukturaciju tržišta rada, uključujući promjene u troškovima rada i prilagodbu poslovnih modela poslodavaca. U takvim okolnostima, a što je i očekivano, zabilježen je usporeniji rast zaposlenosti, ali bez pokazatelja strukturnog pada.

S poštovanjem,


MINISTAR
Adnan Delić

Dostavljeno:

- Naslovu
- a/a